

摘藻堂四庫全書薈要

集部

欽定四庫全書薈要

集部

宋文鑑卷十八

詳校官候選知縣臣吳甸華



欽定四庫全書蒼要卷一萬九千九百四十一

集部

宋文鑑卷十八

宋 呂祖謙 編

詩五言古詩

懷賢閣

蘇軾

南望斜谷口三山如犬牙西觀五丈原鬱屈如長蛇有
懷諸葛公萬騎出漢巴吏士寂如水蕭蕭聞馬過公才
與曹丕豈止十倍加顧瞻三輔間勢若風捲沙一朝長
星墜竟使蜀婦髻山僧豈知此一室老煙霞往事逐雲

散故山依渭斜客來空弔古清淚落悲笳

和子由記園中草木二首

蘇軾

種栢待其成栢成人亦老不如種叢簪春種秋可倒陰
陽不擇物美惡隨意造栢生何苦艱似亦費天巧天工
巧有幾肯盡為汝耗君看藜與藿生意常草草

又

蘆筍初似竹稍開葉如蒲方春節抱甲漸老根生鬚不
愛當夏綠憂此及秋枯黃葉倒風雨白花搖江湖江湖

不可到移植苦勤劬安得雙野鴨飛來成畫圖

愛玉女洞中水既致兩餅恐後復取而為使者見
紿因破竹為契使寺僧藏其一以為往來之信
戲謂之調水符

蘇軾

欺謾久成俗關市有契繻誰知南山下取水亦置符古
人辨淄澠皎若鶴與鳬吾今既謝此但視符有無常恐
汲水人智出符之餘多防竟無及棄置為長吁

贈劉莘老

蘇軾

江陵昔相遇幕府稱上賓再見明光宮
我冠揖搢紳如今三見子坎坷為逐臣
朝遊雲霄間欲分丞相茵莫落江湖上
遂與屈子隣了不見喜愠子豈真可人
邂逅成一歡醉語出天真士方在田里
自比渭與莘出試乃大謬芻狗難重陳
歲晚多霜露歸耕當及辰

甘露寺

蘇軾

欲遊甘露寺有二客相過遂與偕行
寺有石如羊相傳謂之狠石云諸葛孔
明坐其上與孫仲謀論曹公也大

鐵鑊二案銘梁武帝所鑄畫師子一菩薩二陸探微筆
李衛公所留祠在寺手植栢合抱矣近寺僧發古殿基
得舍利七粒并石記乃衛公為穆宗皇帝追福所墓者
也

江山豈不好獨遊情易闌但有相携人何必素所歡我
欲訪甘露當塗無閑官二子舊不識欣然肯聯鞍古郡
山為城層梯轉朱欄樓臺斷崖上地窄天水寬一覽吞
數州山長江漫漫却望大明寺惟見煙中竿狼石卧庭

下穹隆如伏羆。緬懷卧龍公。挾策事瑯嶞。一談收獬子。
再說走老瞞。名高有餘想。事往無留觀。蕭公古鐵鑊。相
對空團團。坡陀受百斛。積雨生微瀾。泗水逸周鼎。渭城
辭漢盤。山川失故態。恠此能獨完。僧繇六化人。霓衣挂
冰紈。隱見十二疊。觀者疑夸謾。破板陸生畫。青貌戲盤
跚。上有二天人。揮手如翔鸞。筆墨雖欲盡。典刑垂不刊。
赫赫贊皇公。英姿凜以寒。古栢親手種。挺然誰敢干。枝
撐雲峰裂。根入石窟蟠。雜草得斷碑。斬崖出金棺。瘞藏

豈不牢見伏理可歎四雄皆龍虎遺迹儼未刊方其盛
壯時爭奪肯少安廢興屬造物遷逝誰控搏況彼妄庸
子而欲事所難古今共一軌後世徒辛酸聊興廣武歎
不待雍門彈

僧清順新作垂雲寺

蘇軾

江山雖有餘亭榭着難穩登臨不得要萬象各偃蹇惜
哉垂雲軒此地得何晚天功爭向背詩眼巧增損路窮
朱欄出山破石壁很海門浸坤軸湖尾抱雲巘蔥蔥城

郭麗淡淡煙村遠紛紛鳥鵲去一一漁樵返雄觀快新
獲微景收昔道人真古人嘯咏慕稽阮空齋卧蒲褐
芒履每自捆天憐詩人窮乞與供詩本我詩久不作荒
澁旋鋤壟從君覓佳句咀嚙廢朝飯

西齋

蘇軾

西齋深且明中有六尺牀病夫朝睡足危坐覺日長昏
昏既非醉踽踽亦非狂褰衣竹風下穆然中微涼起行
西園中草木含幽香榴花開一枝桑棗沃以光鳴鳩得

美蔭因立忘飛翔黃鳥亦自喜新音變圓吭杖藜觀物
化亦以觀我行萬物各得時我生日皇皇

司馬君實獨樂園

蘇軾

青山在屋上流水在屋下中有五畝園花竹秀而野花
香襲杖屨竹色侵盞罇酒樂餘春碁局消長夏洛陽
古多士風俗猶爾雅先生卧不出冠蓋傾洛社雖云與
衆樂中有獨樂者才全德不形所貴知我寡先生獨何
事四海望陶冶兒童誦君實走卒知司馬持此欲安歸

造物不我捨名聲逐吾輩此病天所赭撫掌笑先生年
來效喑啞

除夜病中贈段屯田

蘇軾

躑躅三十九勞生已強半歲暮日斜時還為昔人歎

樂天

詩云行年三十
九歲暮日斜時

今年一線在那復堪把玩欲起強持酒

故交雲雨散惟有病相尋空齋為老伴蕭條燈火冷寒
夜何時旦倦僕觸屏風饑鼯嗅空案數朝閉閣卧霜髮
秋蓬亂傳聞使者來策杖就梳盥書來苦安慰不恠造

請緩大夫忠烈後高義金石貫要當擊權豪未肯覩衰
懦此生何所似暗盡灰中炭歸田計已決此邦聊假館
三徑粗成費一枝有餘煖願君更信宿庶奉一笑粲

和頴教授見寄

蘇軾

我笑陶淵明種秫二頃半婦言既不用還有責子歎無
絃則無琴何必勞撫玩我笑劉伯倫醉髮蓬筍散二豪
苦不納獨以鍾自伴既死何用埋此身同夜旦孰云二
子賢自結兩重案笑人還自笑出口談治亂一生溷塵

垢晚以道自盟無成空得懶坐此百事緩側聞頌夫子
講道出新貫豈無一尺書恐不記庸懦陋邦貧且病數
米銖稱炭慙愧章先生十日坐空館袖中出子詩貪讀
酒屢煖狂言各煩慎勿使輸薪粢

京師哭任遵聖

蘇軾

十年不還鄉兒女日夜長豈惟催老大漸復成凋喪每
聞耆舊亡涕泣聲輒放老任沉寄逸先子推輩行文章
少得譽詩語尤清壯吏能復所長談笑萬夫上自喜作

劇縣偏工破豪黨奮髯走猾吏嚼齒對姦將哀哉命不
偶每以才得謗竟使落窮山青衫就黃壤宦遊久不樂
江海永相望退耕本就君時節相勞餉此懷今不遂歸
見纍纍塋望哭國西門落日銜千嶂平生唯一子抱負
珠在掌見之齟齬中已有食牛量他年如入洛生死一
相訪惟有王濬冲心知中散狀

張寺丞益齋

蘇軾

張子作齋舍而以益為名吾聞之夫子求益非速成譬言

如遠遊客日夜事征行今年適燕薊明年走蠻荆東觀
盡滄海西涉渭與涇歸來閉戶坐八方在軒庭又如學
醫人識病由飽更風雨晦明淫跛躄瘖聾盲虛實在其
脉靜躁在其情榮枯在其色壽夭在其形苟能閱千人
望見知死生為學務日益此言當自程為道貴日損此
理在既盈願君書此詩以為益齋銘

送鄭戶曹

蘇軾

水遶彭祖樓山圍戲馬臺古來豪傑地千載有餘哀隆

準飛上天重瞳亦成灰白門下呂布大星隕臨淮尚想
劉德輿置酒此徘徊爾來苦寂寞廢圃多蒼苔河從百
步響山到九里回山水自相激夜聲轉風雷蕩蕩清河
濡黃樓我所開秋月墮城角春風搖酒盃遲君為坐客
新詩出瓊瑰樓成君已去人事固多乖他年君倦游白
首賦歸來登樓一長嘯使君安在哉

送李公擇

蘇軾

嗟余寡兄弟四海一子由故人雖云多出處不我謀予

車無停侶逝去勢莫留僅存今幾人各在天一隅有如
長庚月到曉爛不收宜我與夫子相與手足侔比年兩
見之賓主更獻酬樂哉十日飲衍衍和不流論事到深
夜僵仆鈴與騶頗嘗見使君有客如此不欲別不忍言
慘慘集百憂念我野夫兄知名三十秋已得其為人不
待風馬牛他年林下見傾蓋如白頭

懷西湖晁美叔同年

蘇軾

西湖天下景遊者無愚賢深淺隨所得誰能識其全嗟

我本狂直早為世所捐獨專山水樂付與寧非天三百
六十寺幽尋遂窮年所至得其妙心知口難傳至今清
夜夢耳目餘芳鮮君持使者節風采爍雲煙清流與碧
巘安肯為君妍胡不屏騎從暫借僧榻眠讀我壁間詩
清流洗煩煎策杖無道路直造意所便應逢古漁父輩
間自延緣問道若有得買魚勿論錢

種松得徠字

蘇軾

春風吹榆林亂葉飛作堆荒園一雨過戢戢千萬栽青

松種不生百株望一枚一枚已有餘氣壓千畝槐野人
易斗粟云自魯徂徠魯人不知貴萬竈飛青煤束縛同
一車胡為乎來哉泣然解其縛清泉洗淳埃枝葉傷尚
困生意未肯回山僧老無子養護如嬰孩坐待老龍蛇
清陰滿南臺孤根裂山石直幹排風雷我今百日客餐
此千歲材時去替不百日茯苓無消息雙鬢日夜催古今一俛
仰作詩寄餘哀

以雙刀遺子由子由有詩次其韻 蘇軾

寶刀匣不見但見龍雀鏤何曾斬蛟虵亦未切琅玕胡
為穿窬輩見之要領寒吾刀不汝問有愧在其肝念此
刀自藏包之虎皮斑湛然如古井終歲不復瀾不憂無
所用憂在用者難佩之非其人匣中自長歎我老衆所
易屢遭非意干惟有王玄通堦庭秀芝蘭知子後必大
故擇刀所便屠狗非不用一歲六七剗欲試百鍊剛要
須更泥蟠作詩銘其背以待知者看

與王郎昆仲及兒邁遶城觀荷花二首

蘇軾

昨夜雨鳴渠曉來風襲月蕭然欲秋意溪水清可啜環
城三十里處處皆佳絕蒲蓮浩如海時見舟一葉此間
真避世青翦低白髮相逢欲相問已逐鷺鷥沒

清風定何物可愛不可名所至如君子草木有嘉聲我
行本無事孤舟任斜橫中流自偃仰適與風相迎舉盃
屬浩渺樂此兩無情歸來兩溪間雲水夜自明

送俞節推

尚之子尚
字退翁

蘇軾

吳興有君子淡如朱絲琴一唱三歎息至今有遺音嗟

余與夫子相避如參辰

退翁官于蜀余在京師余歸而退翁去及余官于吳興則退翁

亡猶喜見諸郎竊然清且深異時多良士末路喪初心
我生不有命其肯枉尺尋

東坡七首

蘇軾

余至黃二年日以困匱故人馬正卿哀余乏食為於郡
中請故營地數十畝使得躬耕其中地既久荒為茨棘
瓦礫之場而歲又大旱墾闢之勞筋力殆盡釋耒而歎

乃作是詩自愍其勤庶幾來歲之入以忘其勞焉
廢壘無人顧頽垣滿蓬蒿誰能損筋力歲晚不償勞獨
有孤旅人天窮無所逃端來拾瓦礫歲旱土不膏崎嶇
草棘中欲刮一寸毛喟然釋耒歎我廩何時高

荒田雖浪莽高庫各有適下濕種秔稻東原蒔棗栗江
南有蜀士桑果已許乞好竹不難栽但恐鞭橫逸仍須
卜佳處規以安我室家僮燒枯草走報暗井出一飽未
敢期瓢飲已可必

自昔有微泉來從遠嶺背穿城過聚落流惡壯蓬艾去
為柯氏陂十畝魚蝦會歲旱泉亦竭枯萍粘破塊昨夜
南山雲雨到一犂外泫然尋故瀆知我理荒蕪泥芹有
宿根一寸嗟獨在雪芽何時動春鳩行可膾蜀人貴芹
芽膾雞鳩
之肉作

種稻清明前樂事我能數毛雨暗春澤針水聞好語蜀人
以細雨為雨毛稻初生分秧及初夏漸喜風葉舉月明
時農夫相語稻針水矣

看露上一一垂珠縷秋來霜穗重顛倒相撐拄但聞畦

隴間蚱蜢如風雨

蜀中稻熟時蚱蜢群飛田間如小蝗狀而不害稻

新春便入

甌玉粒照筐筥我久食官倉紅腐等泥土行當知此味
口腹吾已許

良農惜地力幸此十年荒桑柘未及成一麥庶可望投
種未逾月覆塊已蒼蒼農夫告我言勿使苗葉昌君欲
富餅餌要須縱牛羊再拜謝苦言得飽不敢忘

種棗期可剝種松期可斲事在十年外吾計亦已慙十
年何足道千載如風電舊聞李衡奴此策擬可學我有

同舍郎官居在瀟岳

李公擇也

遺我三寸枴照坐光卓犖百

裁儻可致當及春冰渥想見竹籬間青黃垂屋角

潘子久不調沽酒江南村郭生本將種賣藥西市垣古
生亦好事恐是押衙孫家有十畝竹無時容扣門我窮
交舊絕三子獨見存從我於東坡勞餉同一飧可憐杜
拾遺事與朱阮論吾師卜子夏四海皆弟昆

冬至日贈安節

蘇軾

我生幾冬至少小如昨日當時事父兄上壽拜脫膝十

年閱凋謝白髮催衰疾瞻前惟兄三顧後子由一近者
隔濤江遠者天一壁今朝復何幸見此萬里姪憶汝總
角時啼笑為梨栗今來能慷慨志氣堅鐵石諸孫行復
爾世事何時畢詩成却超然老淚不成滴

陳李常見過二首

蘇軾

仕宦常畏人退居還喜客君來輒館我未覺鷄黍窄東
坡有奇事已種千畝麥但得君眼青不辭奴飯白

送君四十里只使一帆風江邊千樹柳落我酒盃中此

行非遠別此樂固無窮但願長如此往來一生同

初秋寄子由

蘇軾

百川日夜逝物我相隨去惟有宿昔心依然守故處憶
在懷遠驛閉門秋暑中藜羹對書史揮汗與子同西風
忽淒厲落葉穿戶牖子起尋袂衣感歎執我手朱顏不
可恃此語君勿疑別離恐不免功名定難期當時已悽
斷況此兩衰老失塗旣難追學道恨不早買田秋已議
築室春當成雪堂風雨夜已作對床聲

過建昌李野夫公擇故居

蘇軾

彭蠡東北源廬阜西南麓何人修水上種此一雙玉思
之不可見破宅餘修竹四隣戒莫犯十畝森似束我來
仲夏初解籜呈新綠幽鳥向我鳴野人留我宿裴回不
忍去微月挂喬木遥想他年歸解組巾一幅對床老兄
弟夜雨鳴竹屋卧聽隣寺鐘書窻有殘燭

栖賢三峽橋

蘇軾

吾聞太山石積日穿綫溜况此百雷霆萬世與石鬪深

行九地底險出三峽右長輸不盡溪欲滿無底竇跳波
翻潛魚震響落飛狖清寒入山骨草木盡堅瘦空濛煙
靄間瀕洞金石奏彎彎飛橋出湫湫半月殼玉淵神龍
近雨電亂晴晝垂瓶得清井可嚙不可嗽

高郵陳直躬處士畫鴈

蘇軾

野鴈見人時未起意先改君從何處看得此無人態無
乃槁木形人禽兩自在北風振枯葦微雪落璀璨慘澹
雲水昏晶熒沙礫碎弋人悵何慕一舉眇江海

次韻王覲正言喜雪

蘇軾

聖人與天通有詔寬獄市好雨夜喧街濕雲朝覆砌紛
然退朝後色映宮槐媚欲誇翦刻工故上朱藍袂我方
執筆侍未敢書上瑞君猶伏閣爭高論亦少慰霏霏止
還作盎盎風與氣神龍久潛伏一怒勢必倍行當見三
白拜舞懽萬歲歸來飲君家酣詠追旣醉

故李承之待制六丈挽詞

蘇軾

青青一寸松中有梁棟姿天驥墮地走萬里端可期世

無阿房宮可建五丈旗又無穆天子西征燕瑤池材大
古難用老死亦其宜丈夫恐不免豈患莫已知公如松
與驥少小稱偉奇俯仰自廊廟笑談無羌夷清朝竟不
用白首仍憂時願斬橫行將請烹乾沒兒言雖不見省
坐折姦雄窺嗟我去公久江湖生白髭歸來耆舊盡零
落存者誰比公稽中散龍性不可羈疑公李北海慷慨
多雄詞淒涼五君詠沉痛八哀詩邪正久乃明人今屬
公思九原不可作千古有餘悲

送范純粹守慶州

蘇軾

才大古難用論高常近迂君看趙魏老乃為滕大夫浮
雲無根蒂潢潦能須臾知經幾成敗得見真賢愚羽旄
照城闕談笑安邊隅當年老使君赤手降於菟諸郎更
何事折箠鞭其雛吾知鄧平叔不鬪月支胡

送千乘千能兩姪還鄉

蘇軾

治生不求富讀書不求官譬如飲不醉陶然有餘歡君
看龐德公白首終泥蟠豈無子孫念顧獨遺以安鹿門

上冢回床下拜龍鸞躬耕竟不起耆舊節獨完念汝少
多難冰雪落綺紈五子如一人奉養真色難烹雞獨餽
母白饗苜蓿盤口腹正累人寧我食無肝西來四千里
敝袍不言寒秀眉我似兄亦復心閒寬忽然捨我去歲
晚留餘酸我豈軒冕人青雲意先闌汝歸蒔松菊環以
青琅玕楹陰三年成可以掛我冠清江入城郭小圃生
微瀾相從結茅舍曝背談金鑾

故周茂叔先生濂溪

蘇軾

世俗眩名實至人疑有無怒移水中蟹愛及屋上烏坐
令此溪水名與先生俱先生本全德廉退乃一隅因拋
彭澤米偶似西山夫遂即世所知以為溪之呼先生豈
我輩造物乃其徒應同柳州柳聊使愚溪愚

歐陽叔弼見訪道陶淵明事因語及元載之死歎

其識有淺深退作此詩

蘇軾

淵明求縣令本緣食不足束帶向督郵小屈未為辱
然賦歸去豈不念窮獨重以五斗米折腰營口腹如何

元相國萬鍾不滿欲胡椒銖兩多何用八百斛以此殺
其身何帝抵鵲玉往者不可悔吾其返自燭

竹間亭小酌懷歐陽叔弼季弼呈趙景貺陳履常

一首

蘇軾

歲莫自急景我閒方緩觴醉餘西湖晚步轉北渚長地
坐略少長意行無澗岡久知薺麥青稍喜榆柳黃盎盎
春欲動潏潏夜未央水天鷗鷺靜月霧松檜香撫景方
晼晚懷人重淒涼豈無一老兵坐念兩歐陽我意正麋

鹿君才亦圭璋此會恐難久此歡不可忘

東府雨中別子由

蘇軾

庭下梧桐樹三年三見汝前年適汝陰見汝鳴秋雨去
年秋雨時我自廣陵歸今年中山去白首歸無期客去
莫歎息主人亦是客對床定悠悠夜雨空蕭瑟起折梧
桐枝贈汝千里行歸來知健否莫忘此時情

過高郵寄孫君孚

蘇軾

過淮風氣清一洗塵埃容水木漸幽茂菰蒲雜游龍可

憐夜合花青枝散紅茸美人游不歸一笑當誰供故園
在何處已偃手種松我行忽失路歸夢山千重聞君有
負郭二頃收橫從卷野畢秋穫殷牀聞夜春樂哉何所
憂社酒粥面釀宦游豈不好毋令到千鍾

次韻定慧欽老見寄

蘇軾

閑居蓄百毒救此跛與盲依山作陶穴掩此暴骨橫區
區效一漑豈能濟含生力惡不已出時哉非汝爭

江月五首

蘇軾

嶺南氣候不常吾嘗云菊花開時乃重陽涼天佳月即
中秋不須以日月為斷也今歲九月殘暑方退既望之
後月出愈遲然余嘗夜起登合江樓或與客遊豐湖入
棲禪寺扣羅浮道院登逍遙堂逮曉乃歸杜子美云四
更山吐月殘夜水明樓此殆古今絕唱也因其句作五
首仍以殘夜水明樓為韻

一更山吐月玉塔卧微瀾正似西湖上湧金門外看冰
輪橫海闊香霧入樓寒停鞭且莫上照我一杯殘

二更山吐月幽人方獨夜可憐人與月夜夜江樓下風
枝久未停露草不可藉歸來掩關卧唧唧蟲夜話

三更山吐月棲鳥亦驚起起尋夢中遊清絕正如此驅
雲掃衆宿俯仰迷空水幸可飲我牛不須違洗耳

四更山吐月皎皎為誰明幽人赴我約坐待玉繩橫野
橋多斷板山寺有微行今夕定何夕夢中遊化城

五更山吐月窓迥室幽幽玉鉤還掛戶江練却明樓星
河澹欲曉鼓角冷知秋不眠翻五詠清切變蠻謳

遷居之夕聞隣舍兒誦書欣然而作

蘇軾

幽居亂蛙黽生理半人禽足然已可喜況聞弦誦音兒
聲自圓美誰家兩青衿且欣習齊咻未敢笑越吟九齡
起韶石姜子家日南吾道無南北安知不生今海闊尚
掛斗天高欲橫參荆棘短墻缺燈火破屋深引書與相
和置酒仍獨斟可以侑我醉琅然如玉琴

次韻子由所居

蘇軾

幽居有古意義井分西墻誰言三伏熱止須一杯涼先
生坐忍渴羣躑自披猖衆散徐酌飲逡巡味尤長

和陶淵明飲酒

蘇軾

道喪士失已出語輒不情江左風流入醉中亦求名淵
明獨清真談笑得此生身如受風竹掩冉衆葉驚俯仰
各有態得酒詩自成

和陶淵明愁詩楚調示龐主簿及鄧治中

蘇軾

當歡有餘樂在戚亦頽然淵明得此理安處故有年嗟
我與先生所賦良奇偏人間少宜適惟有歸耘田我昔
墮軒冕毫釐真市廛歸來卧重裯憂愧自不眠如今破
茅屋一夕或三遷風雨睡不知黃葉滿枕前寧當出怨
句慘慘如孤煙但恨不早悟猶推淵明賢

和陶淵明雜詩

蘇軾

真人有妙觀俗子多妄量區區勸粒食此豈知子房我
非徒跣相終老還未央兔死縛淮陰狗功指平陽哀哉

亦可羞世路皆羊腸

和陶淵明庚戌歲九月中於西田穫早稻

蘇軾

蓬頭二獠奴誰謂愿且端晨興灑掃罷飽食不自安願
治此圃畦少資主游觀畫功不自覺夜氣乃潛還早韭
欲爭春晚菘先破寒人間無正味美好出艱難早知農
圃樂豈有非意干尚恨不持鋤未免驛我顏此心苟未
降何適不間闕休去復歇去食菜何所歎

和淵明始作鎮軍參軍經曲阿

蘇軾

虞人非其招欲往畏簡書穆生責醴酒先見我不如江
左古弱國強臣擅天衢淵明墮詩酒遂與功名踈我生
值良時朱金義當紆天命適如此幸收廢棄餘獨有愧
此翁大名難久居不思犧牛龜兼取熊掌魚北郊有大
賚南冠解囚拘眷言羅浮下白鶴返故廬

和陶淵明詠三良

蘇軾

此身太山重忽作鴻毛遺三子死一言所死良已微賢

哉晏平仲事君不以私我豈犬馬哉從君求益惟殺身
固有道大節要不虧君為社稷死我則同其歸顧命有
治亂臣子得從違魏顆真孝愛三良安足希仕宦豈不
榮有時纏憂悲所以靖節翁服此黔婁衣

和陶淵明貧士

蘇軾

夷齊恥周粟高歌誦虞軒產祿彼何人能致綺與園古
來避世士死灰或餘煙末路亦可羞朱墨手自研淵明
初亦仕絃歌本誠言不樂乃徑歸視世差獨賢

夏晝

章望之

一日常百刻轉若車輪忙千日十萬刻百年能幾長達
者齊古今一生甚微茫夏日豈為永而足以較量人世
不足惜行善乃自彰無及間暇時般樂為淫荒夷齊餓
人者顏閔非公王其人品孰亞周氏與虞唐亦用仁義
積豈今身未亡富貴無可恃莫與公道強夜思晝以力
四序皆流光示君夏晝誦惕惕其自傷

宿簡寂觀

袁陟

名山崇祕祠終夜得清賞真氣溢空浮流泉隨砌響林

巖片月散殿閣高風行天際斗杓直庭中盤石橫

即六修青

朝斗逸人今何之故嶺不改秀白鶴唳松梢青燈見岩

竇恍追汗漫駕深悟逍遙言四顧羣動寂寞心歸灝元

再遊雲居

登山有三路去冬自防潭曰西庄而上取姚田庄路唯麥庄一路未行

素步

風吹嶺頭樹似欲招行客緣雲過絕頂復見紫霄宅平
觀三百里下視八千尺隼擊九秋嚴鵬展萬里翮五老

鎮相望西岫天與敵可笑培塿羣亦自矜寸碧氛埃卷
宇宙鴈鷺下川澤旣諧惠智心若蹈聖賢域危亭據中
峰回抱竦天壁沈沈古帝坐左右列夔稷舉頭河漢通
直欲攀南極合奏天地籟兩耳清歷歷吁嗟萬類微胡
為競朝夕安知太清上我方適所適尚思西巘路去冬
躡雙屐高興挹洪厓大句鼓天力到今巖壑間浩浩起
金石安得少陵翁物外講新格重來羈紲在欲隱世累
迫多謝受命松長存歲寒色

覆驗餘姚道中

王存

一夫死非命滌驗更兩吏一囚坐法誅三覆與衆棄去
年交趾敗殺戮無賤貴江淮屢歲肯積殍溝壑穢聖人
於赤子愛重若彼至謹小以遺大誰其原帝意

雜興三首

鮮于侁

幽居觀物變天道固虛盈炎陬日方熾微陰一已生涼
風動野草桃李先飄零蜩蟬集高柳絡緯響空庭愁心
獨耿耿宵夢竟難成

一氣幹元造為功未嘗煩羣生自委化天地一何言鳧
脰不可增楮葉不可鑄欲益固為損勞心非自然不見
平陽侯醇酒聊終年

三王貴養老取重在乞言酒醴副佳肴黃髮斯皤然朝
廷本忠厚風俗亦變遷豈意漢道微侍中惟少年耆舊
無備問李公所以難

新堂夜坐月色皎然由連理亭信步庭中徘徊久
之因為五言一首

鮮于侁

秋風動微涼天雨新霽後閑齋獨隱几明月在高柳振
衣步庭下顥氣入襟袖天空雲漢明隱約辨列宿蒼蒼
松檜上零露霏欲流去聲脫葉滿閑園繁華迨衰朽清宵
望蟾彩宜付一杯酒多病謝樽壘城頭轉寒漏

海州觀放鵲搏兔不中而飛去
沈存中

秋霜濯空林暮日在峰頂冥冥起長風稍稍絕遺影驍
禽值猛搏俯取不待頃豈非求者乖矯翮成遠騁未能
謝榛莽那用遽悻悻此心竟可憐得失未宜病

觀餘姚海氛

謝景初

海上風與雨未暎先氣升
澤鹵雜山雲翳鬱相薰蒸
交語面已障安辨邱與陵
衣濡帶革緩臭腥殊可憎
自非昌其陽疾癘得以乘
君子却陰邪何必醫師能

餘姚董役海隄有作

謝景初

五行交相陵海水不潤下
處處壞堤防白浪大於馬
顧予為其長恐懼敢暫捨
董衆完築塞跋履率曠野
使人安於生茲不羞民社
調和陰與陽自有任責者

法喜堂

謝景初

虛堂庇風雨結構不務壯外飾無髹髹置物况容長開
篋藥劑靈拈基白黑抗階花澹亦天庭石碧交向出門
鳥雀喧燕處物我喪吳俗夸有素佛徒侈相尚獨能守
質靜坐以矯流宕棲之果自喜何須山海上

村居

文與可

日影滿松窓雲開雨初止晴林梨栗熟曉巷兒童喜牛
羊深澗下鳬鴈寒塘裏田父酒新成餅甕饋隣里

新晴山月

文與可

高松漏疎月落影如畫地徘徊愛其下夜久不能寐怯
風池荷卷病雨山果墜誰伴予苦吟滿林啼絡緯

屬疾梧軒

文與可

高梧覆新葉滿院發華滋白日一何永清陰閑自移暖
蟲垂到地晴鳥語多時病肘倚枯几泊然忘所思

宋文鑑卷十八

欽定四庫全書薈要卷一萬九千九百四十二

集部

宋文鑑卷十九

宋 呂祖謙 編

詩 五言古詩

買炭

蘇轍

苦寒搜病骨絲纈莫能禦折薪燎枯竹勃鬱煙充宇
西
山古松樛材大招斤斧根槎委溪谷龍伏熊虎踞挑抉
靡遺餘陶穴付一炬積火變深黧牙角猶忿怒老翁睡
破氈正晝出無屨百錢不滿籃一坐幸至莫御爐歲增

貢園直中常度閭閻不敢售根節姑付汝升平百年後
地力已難富知夸不知嗇俛首欲誰訴百物今盡然豈
惟一炭故我老或不及預為子孫懼

早行

孔文仲

客興謂已旦出視見落月瘦馬入荒陂霜花重如雪海
風吹萬里兩耳凍幾脫歲晏已苦寒近北尤凜冽况當
清曉行邈此原野闊笠飛帶繞頸指強不得結農家煙
火微炙手粗可熱豈能迂我留而就苟且活仰頭視四

宇夜氣亦漸豁苦心待正晝白日想不缺

逍遙亭

潘興嗣

作亭名逍遙此理誠不虛寬於一天下原憲惟桑樞況
我卜清曠風雨庇有餘方池容潏灩小徑足縈迂花木
頗窈窕松筠亦扶踈鳴蛙送鼓吹好鳥來笙竽可琴亦
可詠可飲亦可娛盤雖無下筯賓食亦有魚恢論或申
旦隱几忘移晷困來展足眠醉倒從人扶率爾但付暢
因煩而領無鄴侯三萬軸方朔五車書棄置復棄置任

自相賢愚無妨吾道遙此樂誠何如

師道

潘興嗣

師道久不振小儒咸自私破崖求圭角務出已新奇惻
惻去聖遠六經秦火隳不有傳授學涉獵安所為漢儒
守一經學者如雲隨承習雖未盡摸法有根基薦紳立
朝廷開口應萬機附對皆據經金石確不移熟爛見本
末較然非可欺吾願下學官各立一經師務盡道德業
不取章句辭庶幾昔人風炳然復在茲

過百里大夫冢

黃庭堅

行客抱憂端，況復思古人。
何年一丘土，不見石麒麟。
斷碑略可讀，大夫身霸秦。
虞公納垂棘，將軍西問津。
安知五羊皮，自粥千金身。
未俗工媒孽，浮言妬道真。
幸逢孟軻賞，不愧微子魂。

寄秉夷

黃庭堅

少時誦詩書，貫穿數萬字。
爾來窺陳編，記一忘三二。
光陰如可玩，老境翻手至。
良醫曾折足，說病廼真意。

和子瞻粲字韻二首

黃庭堅

公材如洪河灌注天下半風日未嘗撓晝夜聖所歎名
世二十年窮無歌舞玩入宮又見妬徒友飛鳥散一飽
事難諧五車書作伴風雨暗樓臺鷄鳴自昏旦雖非錦
繡贈欲報青玉按文似離騷經詩窺閨睢亂賤生恨晚
學曾未奉巾盥昨蒙雙鯉魚遠託鄭人緩風義薄秋天
神明還舊貫更磨薦補墨推挽起疲懦忽忽未嗣音微
陽歸候炭仁風從東來拭目望齋館鳥聲日日春柳色

弄晴暖漫有酒盈樽何因見此祭

又

元龍湖海士毀譽各相半下床卧許君上床自永歎丈夫屬有念人物非所玩坐令結歡客化為煙霧散武功有大略亦復寡朋伴詠歌思見之長夜鳴鴉旦東南望彭門官道平如按簡書束縛人一水不能亂斯文婉拒望可用圭瓚盥誠求活國醫何忍棄和緩開疆日百里都內錢朽貫銘功甚俊偉廼見儒生懦且當置是事勿

求冰作炭上帝羣玉府道家蓬萊館曲肱夏簟寒炙背
冬屋暖只令文字垂萬世星斗粲

寄師載

黃庭堅

齊地穀翔貴排門無饕餮二仲有甘旨奉親亦良勤原
田水洸洸何時稼如雲無民願豐歲政自不忘君

過家

黃庭堅

絡緯聲轉急田車寒不運兒時手種柳上與雲雨近舍
傍舊傭保少換老欲盡宰木鬱蒼蒼田園變畦畛招延

屈父黨勞問走婚親歸來翻作客顧影良自哂一生萍
託水萬事雪侵鬢夜闌風隕霜乾葉落成陣燈花何故
喜大是報書信親年當喜懼兒齒欲毀齟齬繫舩三百里
去夢無一寸

上冢

黃庭堅

自公返蓬華稅駕上丘隴霜露此日悲松楸十年拱養
維數羽毛初不及承奉康州斷腸猿風枝割永痛少年
不如人登仕無前勇髮踈牙齒搖鯨波怒號洵願為保

家子敢議世輕重稱觴太夫人魚菜贍庖供

題王黃州墨蹟後

黃庭堅

掘地與斷木智不如機舂聖人懷餘巧故為萬物宗世
有斲泥手或不待郢工往時王黃州謀國極匪躬朝聞
不及夕百壬避其鋒九鼎安盤石一身轉秋蓬浮雲當
日月白髮照秋空諸君發蒙耳汲直與臣同

和張文潛贈晁無咎二首

黃庭堅

龜以靈故焦雉以文故翳本心如日月利欲食之既後

生玩華藻照影終沒世安得八紘置以道獵衆智

又

談經用燕說束棄諸儒傳濫觴雖有罪末派彌九縣張
侯真理窟堅壁勿與戰難以口舌爭水清石自見

留王郎

黃庭堅

河外吹沙塵江南水無津骨肉常萬里寄聲何由頻我
隨簡書來顧影將一身留我左右手奉承白頭親小邦
王事略蟲鳥聲無人王生解鞍馬夜語雞喚晨母慈家

人肥女慧男垂紳有田為酒事豚韭及秋春生涯得如
此舊學更光新索去何草草少留慰難勤百年才一炊
六籍經幾秦要知胸中有不與跡同陳郢人懷妙質聊
欲運吾斤

和孔常父雪

黃庭堅

春皇賦上瑞來寧黃屋憂下令走百神大雲庇九丘風
聲將仁氣艷艷生瓦溝寒花舞零亂表裏照皇州千門
委圭璧曉日不肯收元年冬無澤穴處長螟螣兩宮初

盱食補袞獻良籌有道四夷守無征萬邦休耆年秉國
論涇渭極分流輟耒入班品逸民盡歸周股肱共一體
間不容戈矛人材如金玉同美異剛柔政須衆賢和乃
可踈共歿改弦張敝法病十九已瘳玉指要不匿蝕非
日月羞桑林請六事河水問九疇天意果然得玄功與
吾謀此物有嘉德占年在麥秋近臣知天喜玉色動冕
旒儒館無他事作詩配崇丘

次韻荅邢惇夫

黃庭堅

為山不能山過在一簣止渥注騏驎兒墮地志千里岷
江初濫觴入楚乃無底將升聖人堂道固有廉陞邢子
好少年如世有源水方求無津涯不作蛙井喜兒中兀
老蒼趣造甚奇異過閱王公門袖中有漫刺別來阻河
山望遠每障袂斯文向千載有志常寡遂後生文楚楚
照影若孔翠不應太玄草晞價咸陽市雨作枕簟秋官
閒省中睡夢不到漢東茗枕乃為崇聞君肺渴減頗復
佳食寐讀書得新功來鴈寄一字

題竹石牧牛

黃庭堅

野次小崢嶸幽篁相擁綠阿童三尺箠御此老鰲鰐石
吾甚愛之勿遣牛礪角牛礪角尚可牛鬪殘我竹

贈秦少儀

黃庭堅

汝南許文休馬磨白衣食但聞郡功曹滿世名籍籍渠
命有顯晦非人作通塞秦氏多英俊少游眉最白頗聞
鴻鴈行筆皆萬人敵吾蚤知有覲而不知有覲少儀袖
詩來剖蚌珠的皪乃能持一鏃與我箭鋒直自吾得此

詩三日卧向壁挽士不能寸推去輒數尺才難不其然
有亦未易識

謝公定和二范秋懷

黃庭堅

西風一葉脫迹已不可掃
蒼有白馬生朝回焚諫草誰
云事君難是亦父子間所要功補衮不言能犯顏

宿舊彭澤懷陶令

黃庭堅

潛魚願深渺淵明無由逃
彭澤當此時沉冥一世豪
司馬寒如灰禮樂如金刀
歲晚以字行更始號元亮
淒其

望諸葛骭髀猶漢相時無益州牧指揮用諸將平生本
朝心歲月閱江浪空餘詩語工落筆九天上向來非無
人此友獨可尚屬予剛制酒無用酌杯盞欲招千載魂
斯文或宜當

題宛陵張待舉曲肱亭

黃庭堅

仲蔚蓬蒿宅宣城詩句中人賢忘巷陋境勝失途窮寒
殖書萬卷零亂剛直胸偃蹇勲業外嘯歌山水重晨鷄
催不起擁被聽松風

和邢惇夫秋懷二首

黃庭堅

王度無畦畛包荒用馮河秦收鄭渠成晉得楚材多用
人當其物不但軸與邁六通而四闢玉燭四時和

又

相如用全趙留侯開有漢名登泰山重功略天下半讓
頗封韓彭事成羣疑泮天道常曲全小智驚後患

次謝與廸所作竹

黃庭堅

吾宗墨修竹心手不自知天公造化鑪攬取如拾遺風

雪煙霧雨榮悴各一時此物抱晚節君又潤色之抽萌
或發石懸簷有貼危林梢一片雨造次以筆追猛吹萬
籟作微涼大音稀霜兔束豪健松煙泛硯肥盤桓未落
筆落筆必中宜今代捧心學取笑如東施或可遺巾幘
選悞如辛毗生枝不應節亂葉無所歸非君一起予衰
病豈能詩憶君初解鞍新月掛彎眉夜來上金鏡坐歎
光景馳我有好練絹晴明要會期漪漪淇園姿此君有
威儀願作數百竿水石相因依它年風動壁洗我別後

思開圖慰滿眼何時遂臻茲

次韻楊明叔見餞十首

黃庭堅

平津喜牧豕飲飛能斬蛟終藉一汲黯淮南解兵交楊
子有直氣未忍死草茅引之入漢朝誰為續絃膠

其二

楊君清渭水自流濁涇中今年貧到骨豪氣似元龍男
兒生世間筆端吐長虹何事與秋螢爭光蒲葦叢

其三

事隨世滔滔心欲自得得楊君為已學度越輩流百坐
捫故衣蝨垢襪春汗黑睥睨紉袴兒可飲三斗墨

其四

清淨草玄學西京有子雲太尉死宗社大鳥泣其墳寂
寥向千載風流被仍昆富貴何足道聖處要策勲

其五

桑輿金石交既別十日雨子輿裹飯來一笑相告語楊
君困簞瓢諸公不能舉儻可從我歸沙頭駐鳴榔

其六

山圍少天日狐鬼能作妖
睽閃載一車獵人用鳴梟
小智窘流俗蹇淺不能超
安得萬里沙霜晴看射鵰

其七

元之如砥柱大年若霜鷲
王楊立本朝與世作郭郭
觀公有膽氣似可繼前作
丈夫存遠大胸次要落落

其八

虛心觀萬物險易極變態
皮毛剝落盡唯有真實在
侍

中乃珥貂御史即冠豸顧影或可羞短蓑釣寒瀨

其九

松栢生澗壑坐閱草木秋金石在波中仰看萬物流
骯自骯骯伊優自伊優但觀百世後傳者非公侯

其十

老作同安守蹇足信所便胸中無水鏡敢當吏部銓
恨此虛名在未脫世糾纏夢作白鷗去江南水如天

拜劉凝之畫像

黃庭堅

棄官清潁尾買田落星灣身在菰蒲中名滿天地間誰
能四十年保此清淨退往來澗谷中神光射牛背

跋子瞻和陶詩

黃庭堅

子瞻謫嶺南時宰欲殺之飽喫惠州飯細和淵明詩彭
澤千載人東坡百世士出處雖不同風味乃相似

次徐仲車因婁行父見寄之詩

黃庭堅

前朝老諸生大半正丘首投荒萬里歸煩公問健否往
時望江宰今為夏津吏它日可教之玉音尚無棄

遊蔣彥回玉芝園

黃庭堅

春生瀟湘水風鳴澗谷泉過雨花漠漠弄晴絮翩翩名
園上朱閣觀後復觀前借問昔居人岑絕無炊煙人生
須富貴河水清且漣百年共如此安用涕潺湲蔣侯真
好事杖屨喜接連車載溪中骨堆排若差肩厭看孔壬
面醜石反成妍感君勸我醉吾亦無間然亂我朱碧眼
空花墜便翾行動須人扶那能金石堅愛君雷式琴湯
湯發朱絃但恨賞音人大半隨逝川平生有詩病如痼

不可痊今當痛自改三黜復三滿

沐浴有感

彭汝礪

去垢如去邪不欲留毫分髮不止一沐身不止三熏如
何迷本原浴德不自勤區區養櫛棘俯仰愧前聞

就食

楊蟠

未知田上勞徒厭鼎中味及與農事接方驚食者貴余
生寡營求念此豈易致况敢懷寸祿平居但羞愧

古興

沈遼

我不歎白髮安得新少年往者不失執後來豈能賢世
間亦多士倚伏良有緣寄語夸奪子古人已皆然

淮陽

徐積

嘗聞唐李氏世號為賢妻以力營七喪或謂難庶幾孰
知蔡家婦其事乃同之豈特在中饋無非而無儀孝於
其所尊慈於其所卑既知義所在能終義所為我生至
此極我嫁逢百罹其屬死略盡其骨俱無歸身為未亡
人心乃真男兒以已任其責無忘須臾時但恐事不濟

安知恤寒饑乃損奉生具而為送亡資面不御膏沐首
不加冠笄金珠鬻於市文繡容何施更無囊中裝唯有
身上衣殆將截其髮幸苟完其肌所得益良苦所積從
細微如此十年久猶以為支離日時卜諸良宅兆相厥
宜一舉十八喪一旦得所依手自植松楸身亦沾塗泥
何暇裹兩足但知勤四肢居者嘆於室行者泣於歧烏
亦助叫號人思操藁裡冥冥長夜魂所獲喜可知鬱鬱
佳城中不為中道尸卒辨其家事少慰而心悲義深海

可涸行堅山可摧孤誠貫白日幽光凌虹霓吾聞古烈
女榮榮非無奇一死盡易處一節亦易持至如張氏者
使人尤歔歔誰為孝婦傳誰為黃絹碑亦有淮上翁為
述淮陽詩移書太史氏無令茲逸遺

別三子

陳師道

夫婦死同穴父子貧賤離天下寧有此昔聞今見之母
前三子後熟視不得追嗟乎胡不仁使我至於斯有女
初束髮已知生離悲枕我不肯起畏我從此辭大兒學

語言拜揖未勝衣喚爺我欲去此語那可思小兒襁褓間抱負有母慈汝哭猶在耳我懷人得知

示三子

陳師道

去遠即相忘歸近不可忍兒女已在眼眉目略不省喜極不得語淚盡方一哂了知不是夢忽忽心未穩

田家

陳師道

鷄鳴人當行犬鳴人當歸秋來公事急出處不待時昨夜三尺雨竈下已生泥人言田家樂爾苦人得知

送蘇公知杭州

陳師道

平生羊荊州追送不作遠
豈不畏簡書放麈誠不忍一
代不數人百年能幾見
昔如馬口銜今為禁門鉉
一雨五月涼中霄大江滿
風帆目力短江空歲年晚

送李奉議亳州判官

陳師道

祁氏號外府藏室多異書
自公有餘力一覽意何如
為學雖日益受益不受誣
正須高着眼濠梁有游魚

觀文忠公家六一堂圖書

陳師道

生世何用早我已後此翁頗識門下士略已聞其風中
年見二子已復歲一終呼我過其廬所得非所蒙先朝
羣玉殿冠佩環羣公神文煥王度喜色見天容御榻誰
復登帝書元自工黃絹兩大字一覽涕無從似欲託其
子天意人與同厯數況有歸敢有貪天功集古一千卷
明明並羣雄誰為第一手未有百世公廟器刻科斗寶
樽播華蟲緬懷弁服士酬獻鳴從琮插架一萬軸遺子
以固窮素琴久絕絃碁酒頗闕供向來一瓣香敬為曾

南豐世雖嫡孫行名在惡子中斯人其已遠十歲幸一
逢吾老不可待草露濕寒蛩

咸平讀書堂

陳師道

昔人三百篇善世已有餘後生守章句不足供嘖嘖一
登吏部選筆硯隨掃除閉閣書眉嫵隔屋聞歌呼奉公
用漢律寧復要詩書俛首出跨下枉此七尺軀今代陶
朱公不作大梁屠計然特未用意得輕全吳為邦得畿
縣政密自計踈寧書下下考不奉急急符用意簿領外

築室課典謨平生五千卷還舍不問途舊事更漢唐稍
以詩自娛復作無事飲醉卧擁青奴桃李春事繁軒窓
畫景舒鳴屋鳩喚雨窺簷燕哺鵲休吏散篇秩修篁獻
笙竽听然一啓齒斯民免為魚


次韻答晁無斁

陳師道

女生願有家名妾以不聘田里亦慕君又惡不由正欲
行不問途已破寧顧甌耕蠶無一廛庖井要三徑還家
憂患餘挽須兒女競十年寧有此一寒可無命平生晁

夫子得士公室慶稍無車馬音復作賓客請論文到韓
李念舊說蘇鄭長年斷消息獨語誰和應此生恩未報
他日目不瞑歸卧無好懷扣門有佳聽誰來雪霜後更
覺天宇淨少好老未工持刃授子柄

宋文鑑卷十九



總校官庶吉士

臣

張能照

校對官中書

臣

胡紹基

謄錄監生

臣

劉耀馥

欽定四庫全書薈要

集部

宋文鑑卷

二十一

詳校官候選知縣臣吳甸華



欽定四庫全書薈要卷一萬九千九百四十三

集部

宋文鑑卷二十

宋 呂祖謙 編

詩 五言古詩

寄楊道孚

張耒

出師我自出夷邁凌清秋年少不飲酒昏燈夜問囚君

家外大父聽獄代其憂備饑朝煮飯驅蚊夜張幃獄成
上府時稽顙呼張侯怒心臨縲紲相盜以戈矛無令市
死厲請帝號重坐

旦起

張耒

漫漫東牖白開帷
納晨光欠伸推夜枕
扣齒被朝裳
瓦盎汲石泉漱耳齒
頰涼維茲孟夏初
宿雨清高堂
棲鳥起且啁露鶯鳴
更藏悠悠晚花殷
落落古柳蒼西舍
初鳴春東隣
出求糧客馬已別櫪
商車欲踰岡
羲和一揚輝
羣動皆擾攘
有生無不求
誰得偃于牀
人生但如此
勤苦亦可傷
況我病倦翮
飄飄信風翔
永懷中林士
棲志煙霞鄉
願言寄旅跡
棲託以徜徉

夏日雜感

張耒

士而懷其居孔子亦云非賢臣事晉侯夜載使逃齊酖
毒此燕居君子不可懷樂小必害大安近遠之迷野芻
養騏驥當念和鑾馳一飽願即止幾何非犬雞高賢意
有在汲汲不敢違安能守槽櫪長伴兒曹嬉

春日雜書

張耒

昨日為雨備今晨天乃風障風謹自保通夕雪迷空備
一常失計盡備力不供因之置不為拱手受禍凶當為

不可壞任彼萬變攻築室如金石何勞計春冬此道簡
且安古來家國同

感遇

張耒

穰侯擅關中頗畏諸侯客搜車計已遲終困范公策庸
夫吝富貴百計私自惜勢移禍敗至智巧竟何益至公
覽英俊苴補乃無隙請看桑林餓亦脫趙子厄

昭陵六馬

張耒

天將剗隋亂帝遣六龍來森然風雲姿颯爽毛骨開飈

馳不及視山立儼莫回長鳴視八表擾擾萬駕駘秦王
龍鳳姿魚鳥不足摧腰間大白羽中物如風雷區區數
豎子縛取如提孩手持掃天帚六合無塵埃艱難濟大
業一一非常才惟時六驥足績與英衛陪功成鏘八鸞
玉輅行天街荒涼昭陵闕古石埋蒼苔

斑竹

張耒

重瞳陟方時二妃蓋老人安肯泣路傍灑淚留叢筠頗
疑葛陂化點點留斑鱗慎勿脫水去人世多埃塵

寓陳詩

張耒

我不知暑退但覺衣汗乾
頗恠庭中天湛然清以寬
有物叫草根啾啾自相喧
問知已新秋大火流金丸
天工變寒暑正爾事亦繁
靜觀付一笑吾事寧相關
但無筋力健悠然佳意還
喧喧憎隣里砧杵亂人眠

糴官粟有感

張耒

持錢糴官粟日夕擁公門
官價雖不高官倉常苦貧
兼并閉囷廩一粒不肯分
伺待官粟空騰價邀吾民坐視

既不可禁之亦紛紜擾擾田畝中果腹才幾人我欲究
其原宏闊未易陳哀哉天地間生民常苦辛

賀雨拜表

張耒

羣雲雨事畢振旅不復陣掃天無一塵千里還綠潤晨
朝大明賀沙路萬蹄印朝光泛翠瓦佳氣去人近頗聞
避芥庖侑膳徹龍筍願君愛物心從此至堯舜

田居

秦觀

鷄號四隣起結束赴中原戒婦預為黍呼兒隨掩門犁

鋤帶晨景道路更笑喧宿潦濯芒屨野芳簪髻根霽色
披宿露春空正鮮繁辛夷茂橫阜錦雉嬌空園少壯已
雲趨伶俜尚鴟蹲蟹黃經雨潤野馬從風奔村落次第
集隔塍致寒溫眷言月占好努力競晨昏

海康書事五首

秦觀

白髮坐鉤黨南遷海瀕州灌園以餬口身自離蒼頭籬
落秋暑中碧花蔓牽牛誰知把鋤人舊日東陵侯

其二

荔子無幾何黃柑遽如許遷臣不惜日恣意移寒暑層
巢俯雲水信美非吾土草芳自有時鴉鵂何關汝

其三

卜居近流水小巢依欽岑終日數椽間但聞鳥遺音鑪
香入幽夢海月明孤斟鷓鴣一枝足所恨非故林

其四

培塿無松栢駕言出焉遊讀書與意會却掃可忘憂尺
蠖以時詘其信亦非求得歸良不惡未歸且淹留

其五

海康臘已酉不論冬孟仲殺牛搗祭鼓城郭為沸動雖
非堯歷頌自我先人用大笑荆楚人嘉平獵雲夢

孤憤吟二首

張商英

平津謏武帝堯舜未為聰歸來東閣士稱頌比周公勢
利變人心上下交相蒙低顏望眉睫一喜生春風優游
卒茲歲安知朝野空

青青一本桑下可百夫息泠泠一井泉上有千人汲千

里以為郡百里以為邑生齒豈不繁教化繫爾力何事
北窓人歎此徒勞職

接花

陳 瓘

色紅可使紫葉單可使千花小可使大子少可使繁天
賦有定質我力能使遷自矜接花手可奪造化權衆聞
悉驚詫遣我屢嘆吁用智固巧矣天時可易歟我欲春
採菊我欲冬賞桃汝不能裁接汝巧亦徒勞雨露草必
生雪霜松不死不死有本性必生亦時爾汝之所變易

是亦時所為時乎不可違何物不隨時

文選樓

李廌

申轅應楚聘鄒枚適梁苑藩侯喜賓客賢賢易鷹犬黃
綺游漢庭羽翼矰繳遠秦府十八公攀附名益顯昭明
衆才子文囿俾蒐選高齋切浮雲雉堞俯晴巘尚應魏
河間筆削非大典

寄陳履常

邢居實

十年客京洛衣袂多黃塵所交盡才彥惟子情相親會

合能幾日歡樂何遽央春風東北來飄我西南翔驪駒
已在門白日行且晚停觴不能飲將去更復返把腕捋
髭鬚悲啼類兒女人生非鹿豕安得常羣聚朝別河上
梁暮涉關山道匹馬逐飛蓬離恨如春草去去日已遠
行行淚橫臆昨日同袍友今朝異鄉客來時城南陌始
見梅花白回首漢江頭黃梅已堪摘杖策登高城極目
迥千里落日下青山但見白雲起遠望豈當歸長歌涕
如雨歸心如明月幽夢過潁汝抱膝長相思故人安可

見忽枉數行書彷彿如對面紛紜輦轂下冠蓋爭馳逐
吹噓多賢豪肯復念幽獨空齋聽夜雨深竹聞子規此
情不可道此心君詎知

雨後出城馬上作

邢居實

旣雨天氣佳微雲淡如掃欲尋煙際鍾騎馬河邊草紫
樵飽黃鸝人家夏蚕老田婦踏縑車隔離語音好嗟我
一何愚讀書浪枯槁不及此中人終年客長道

述懷

任伯雨

元符庚辰歲孟冬十二日任子丞大宗碌碌奉朝籍聖
主訪落初聽言勞日是諫路員有闕求人恐不及誰謂
方遴選邂逅首踈逖詔旨忽中授聞命旦夕惕不是憂
不合愛君憂失職旣憂亦復喜不是貪祿秩平生慕古
人素願或可畢精神倍疏淪激昂登文石青雲開九天
清光親咫尺每見情益交肝膽盡剖析敬承丁寧訓重
許以忠直自喜千載遇奮身遑他恤志欲收主威力先
排巨室切齒憤欽永刻意望夔稷不數千羊皮豈讓一

狐腋勤勤履霜戒不復慮不密問夜欲自勞百疏意何
益哀哉愛君心不能當衆嫉投湘為獨醒得罪因懷璧
尚賴天德廣閔歲已再謫仇人意未厭窮荒必投斥轉
海僅萬里艱危備經歷有時遭颶風天地如抹漆雪浪
山崩頽轟厖飛霹靂扁舟甚桔槔俯仰顛倒立雙檣捲
欲折繩斷水蘼蓆鯨鱷口垂涎噴咤煙雨集萬怪競周
章腥臊助噓吸平生仗忠信安敢保瞬息夤緣脫魚腹
島嶼稍登陟天氣鬱欲流土色焦成赤草木蒸氛霧亭

午日未出荒徑少人行
悉窳走虺蜴居民傍溪
潁橫崖戶百十矮屋盡
棚欄臭穢如園樾家家
啖菜粥雜米無十一小
魚與細鰕相尚珍鼎食
鳥言紛嘲哢卉服空蒙
幕顏色盡黃腫大半抱
瘴疾其風貪以淫其俗
拙以僻殆非人間世宜
爾太荒閭我生本匹夫
賦性自真率雅有江海
志仕宦特牽迫一日偶
遭際用捨何敢必但思
忠邪分於國繫休戚周
廢不恤緯我意何窮極
漆女倚門嘯我情第堙
鬱嗚呼謀身者所宜念
陰陽

春風

洪朋

春風吹桃李欵然滿中園羣動不遑息胡蝶紛飛翻我
亦感茲時步屨遶林間顏色豈不好持久良獨難置酒
休其下聊復罄余歡君看桃與李成蹊亦無言

初行山

晁詠之

靄靄初蒸雲落落欲墜石山深多晚花照水自紅碧漁
艇入煙小松竹凌煙直西風漾碧波扁舟恣崎側客從
北方來苦遭世俗迫登臨雖夙願山川多未識浩蕩涉

寒流躋攀並蒼壁捫蘿窺鳥道踏逕窮人迹清泉洗塵
心山鳥慣幽客逸興良未已日下千崖赤十載孫興公
好具登山履

王立之大裘軒

謝逸

小人拙生事三冬卧無帳忍寒東窓底坐待朝曦上徐
徐晨光熙稍稍氣血暢薰然四體和恍若醉春釀此法
祕勿傳不易車百兩君胡得此法開軒亦東向蘇公名
大裘意豈在萬丈但觀名軒心人人如挾纊

閨恨

謝逸

汲井澣我衣伐石固我墉塵埃不被體寂無人迹通洋
洋西江水我車不敢渡夙駕豈不早早行畏多露行止
既有義離合亦有時衆人豈無心不如我所之

餘醺依栢引蔓上冒其顛

崔鵬

春風亦已老白厭丹采媚獨留白雪花灑此千尺翠嵯
峨珠籠冠縹緲冒佛髻幽香勿襲人恐為真色累但願
保明姿終日奉清對要之萬物夥汙潔自有類

江月圖

崔鷗

冥冥一葉輕不知水與天獨於顥氣中仰見素壁圓超
然狂道士起視清夜闌自拈白玉笛吹此江月寒想當
萬籟息逸響流空煙我從江海來形留意先還何當買
魚蓬追此水墨仙

雨餘

鮑欽止

礎潤雨欲作好風每相先蕭蕭清入簾令我心灑然閉
門倦永夏枕書日昏眠快此風雨餘端如濯飛泉坐山

有佳趣草木更幽妍井華養文石香篆橫雲煙俯仰方
丈間勝事亦可憐永懷觸熱子我勞良獨賢

寄友人

張 繹

有客厭事事潔身山之幽寒暑不相貸乃有卒歲憂有
生此有事簡之成贅疣澄江本無浪不如信虛舟六經
力道要無以利心求一朝與理會萬境真天遊伊水正
清冷子行無滯留西風昨夜至送子馳中流落月灑殘
夢已着古岸頭我病強送君是行良難儔異時青門下

誰識東陵侯

秋日書懷

毛滂

秋日吐微明寒葉墮半碧娟娟竹弄影冉冉香引脉窓
明棐几淨水石涵虛白茶開睡足眼苔上嬾行屐屋寒
無燕雀豈獨少賓客顧我警露友佇此遼天翮相對雖
不言孤高比三益邇來世外心漸覺眼界窄兒時喜功
名今念真戲劇平生翻羹手欲爛誰能炙豈待二頃田
初無一廛宅第當營糟邱努力期百尺頽然寄踈慵坐

看駒過隙韓郎食不足苦心定誰惜那知落英繁吾食
豈無夕舉手謝飛鳶一鼠何勞嚇

次韻毛達可給事秋懷念歸

倪濤

結茅遠人村破屋水半扉涼葉墮清響空山轉斜暉
官卧江漢素心久依依十年天涯秋搖落幾芳菲馬蹄
歲月去蝶夢東南飛平生邱壑志有言輒乖違不如孤
征鴻春風自知歸

贈趙正之

林敏功

君為稻田官君非力田科我今耕田夫為君奏田歌南
畝茨梁稼東郊煙雨霰田家不作苦奈此歲暮何憫憫
望有年一失成蹉跎立苗非不踈稊稗常苦多小人剝
良善蓬蒿賤嘉禾去惡藉老農焚夷戒駢羅夫君邦之
彥妙年加切瑳治國與治身此道終靡他人心不相遠
如以斧伐柯願君日顯榮吾言期不磨

奉同程致道著作次鮑溶冬成答客韻送趙叔問

奉議歸南都

方元修

清秋不相借白髮日更多塵埃困煩促原野懷經過聊
當倚滂潤資以生吾禾豈不念離羣驚鵲寧擇窠王孫
別都去澹若依松蘿暫別亦復難賡詩飲無何我行那
爾爾渺邈踰江河賸須作佳句相我滄浪歌

張牧之竹溪

林敏修

張牧之隱於竹溪不喜與世接客來蔽竹窺之或韻人
佳士則呼船載之或自刺舟與語俗子十反不一見怒
罵相踵弗顧也人或以少漫郎余獨喜與古人意合乃

作竹溪詩

幽閒古城陰結屋清溪曲溪流湛回映上有青青竹漫
郎欣得之綠髮詠空谷高風及前修勝趣隨遠矚惡客
徒擾人立談非我欲麾去寧汝嗔真意聊自足或言不
當爾往往相謗讟答云豈吾私恐作林泉辱源流別涇
渭臭味同草木肯當百事勝容此一物俗獨餘稽阮輩
蕩槩戒臣僕濁醪澆古胸日沒還秉燭僕忝瓜葛後意
氣頗相屬平生幾兩屐共老三徑菊行年事無定此計

諾已宿徑須買牛衣兒亦荷書簾從子竹間遊溪魚剝
寒玉

山行

曹緯

日出過山頭日入宿山下我行山亦行隱隱似奔馬朝
昏山送迎山意自傾寫借問征途間誰如此山者

燭蛾

賀鑄

鬼蛾來翩翩慕此堂上燭附炎竟何功自取焚如酷感
彼萬動微保生在無欲不見青林蟬飲風聊自足

宋文鑑卷二十